

«Міржақып Дулатұлы: Қазақ әдебиеті мен мәдениетіне қосқан үлесі»

Биыл қазақтың аса көрнекті ақыны, Алаш арысы Міржақып Дулатұлының туғанына 140 жыл толып отыр. Осыған орай облыстың түкпір-түкпірінде түрлі іс-шаралар ұйымдастырылуда. Соның бірі Арқалық қаласындағы №2 ОӘҒК-ның Ақпараттық-библиографиялық қамтамасыз ету бөлімінің ұйымдастыруымен аймақтық зерделі кеңес өткізілді. Кеңестің мақсаты – ұлы тұлғаның әдеби, мәдени, қоғамдық-саяси мұрасын зерделеу, оқырмандарға оның еңбегін насихаттау және ұлт руханиятындағы орнын айқындай түсу болды. Шараға Жангелдин, Амангелді, Арқалық қаласының ОКЖ кітапхана қызметкерлері және Арқалық қаласындағы білім беру мекемелерінің кітапханашылары қатысты.

Кеңес барысында қатысушылар Міржақып Дулатұлының шығармашылығына қатысты баяндамалар жасап, оның «Оян, қазақ!», «Бақытсыз Жамал» еңбектерінің тарихи және әдеби маңызын талқылады. Сонымен қатар, оның Алаш қозғалысындағы рөлі мен елдік сананы қалыптастырудағы еңбегі ерекше аталып өтті.

Зерделі кеңестің соңында Жангелдин ОКЖ кітапханашысы Батырова В.Ч., Амангелді ОКЖ библиографы Аубакирова А.Қ., Арқалық қаласының ОКЖ кітапханашысы Тұрсынбек С.С., №2 ОӘҒК библиографы Жұмағалиева М.Ғ., Айтбаев Е.Ж., Қабыдық Е.Б. қызметкерлері М.Дулатұлының қазақ мәдениеті мен әдебиетіндегі зор мұрасын қамтитын мазмұнды баяндамалар оқып, «Қазақ рухын оятқан тұлға» атты кітап көрмесі таныстырылды. Заманауи безендірілген кітап көрмесінің көрінісі де

«Қазақ рухын оятқан тұлға»



кеңестің мазмұнын байыта түсті. Сонымен қатар, «Әрқашан бірге, жақсы көңіл күйде» тақырыбында сергіту сәті ойнатылып, қызмет бөлімдері келген қонақтарға тұрақты көрмелерін көрсетіп, экскурсия жасады. Сондай-ақ, Ақпараттық-библиографиялық қамтамасыз ету бөлімінің қызметкерлері қоғам қайраткерінің шығармалары жинақталған папкалардағы материалдарды кеңес қонақтарына таныстырып, бөлімдегі атқарылып

жатқан жұмыстар жайлы баяндады.

Қатысушыларға кәсіби біліктілігін танытқаны үшін Алғысхаттар табысталды. Шара соңында әріптестерге қойылған сауалнамаға жауап беру арқылы өз пікірлерін айтып, тәжірибе алмасып, Міржақып мұрасын бүгінгі тәуелсіз жастарға үлгі ете отырып, оны жан-жақты зерттеуді жалғастыру қажет екенін атап өтті.

Бұл зерделі кеңес – Міржақып Дулатұлына деген құрмет қана емес, ұлт руханиятын

жаңғыртуға бағытталған маңызды қадам болды.

Жұлдыз АБЖАНОВА

№ 2 ОӘҒК-ның Ақпараттық-библиографиялық қамтамасыз ету бөлімінің меңгерушісі